
Lescha davart l'agir dal Cussegl grond e da la Regenza en situaziuns excepziunalas (lescha generala)

Midada dals [Data]

Relaschs tangads da questa fatschenta (numers dal DG)

Nov:	–
Midà:	150.100 170.100 170.300
Aboli:	–

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala,
sunter avair già invista da la missiva da la Regenza dals ...,

concluda:

I.

Nagina midada principala.

II.

1.

Il relasch "Lescha davart ils dretgs politics en il chantun Grischun (LDPC)" DG [150.100](#) (versiun dals 01-01-2026) vegn midà sco suonda:

Art. 15 al. 3 (nov)

³ L'autorità ordinanta po spustar u annullar ina votaziun ordinada, sch'igl ha dà u sch'igl exista il privel d'in grev disturbi da la votaziun. Ella sutmetta ils projects pertutgads a la votaziun, e quai entaifer 10 mais suenter ch'il disturbi è davent.

2.

Il relasch "Lescha davart il cussegl grond (LCG)" DG [170.100](#) (versiun dals 01-01-2026) vegn midà sco suonda:

Art. 45a (nov)

Regulaziuns excepziunalas

¹ En situaziuns excepziunalas po la Conferenza da las presidentas e dals presidents concluder mesiras organisatoricas da durada limitada, che divergeschan da l'urden general da procedura.

Art. 45b (nov)

Sesidas virtualas

¹ Il Cussegl grond e ses organs dastgan far sesidas virtualas, sch'i n'è betg pussaivel da sa radunar fisicamain. L'Urden da gestiun regla las premissas.

Art. 58 al. 3 (nov), al. 4 (nov)

³ Sch'ina elecziun na cumporta nagin entardament e sche l'organ electoral n'ha betg la pussaivladad da sa radunar fisicamain, sto l'elecziun vegnir realisada per posta u sur in'otra via che garantescha il secret d'elecziun.

⁴ Sch'ina elecziun tenor l'alineia 3 n'è betg pussaivla, po la maiortad da las commembras e dals commembers dal Cussegl grond concluder da far in'elecziun averta.

3.

Il relasch "Lescha davart l'organisaziun da la regenza e da l'administraziun (LORA)" DG [170.300](#) (versiun dals 01-01-2017) vegn midà sco suonda:

Art. 9^{bis} (nov)

1^{bis}. nagina abilitad da decider

¹ Sche la Regenza n'è betg pli abla da decider, e sch'ella stuess decider davart fatschentas che na cumportan nagin entardament, vegn ella complettada temporarmain cun la presidenta u il president dal Cussegl grond ubain cun la vicepresidenta u il vicepresidente dal Cussegl grond e sche necessari cun anteriuras presidentas u presidents dal Cussegl grond, uschenavant ch'ellas ed els èn anc commembras e commembers dal Cussegl grond, fin che la Regenza è puspè abla da decider.

² Sche l'abilitad da decider na po betg vegnir cuntanschida tenor l'alineia 1, nominescha la Conferenza da las presidentas e dals presidents dal Cussegl grond las commembras ed ils commembers dal Cussegl grond, ch'i dovra per cuntanscher temporarmain l'abilitad da decider. Da la cumposiziun tenor partidas politicas èsi da tegnair quint.

³ Durant quest temp na vegn l'uffizi respectiv en il Cussegl grond betg exequì.

⁴ Tar fatschentas, nua che commemoras e commembers dal Cussegl grond èn stads participads sco commemoras u commembers da la Regenza, ston ellas ed els prender recusaziun.

III.

Naginas aboliziuns d'auters relaschs.

IV.

Questa lescha è suttamessa al referendum facultativ.

La Regenza fixescha il termin da l'entrada en vigur da la revisiun parziala da la Lescha davart l'organisaziun da la Regenza e da l'administraziun sco er da la Lescha davart ils dretgs politics en il chantun Grischun.

La Conferenza da las presidentas e dals presidents dal Cussegl grond fixescha il termin da l'entrada en vigur da la revisiun parziala da la Lescha davart il Cussegl grond.